




40598

Mag. St. Dr. P

Teol. 5266

Wakrowicki Stanisław: *Præbus addens seu*
Constitutiones Comitiarum generalium
a S. Spiritu in die Pentecost. cum
Apost. celebratorum.



RVBVS ARDENS,
SEV
CONSTITVTIONES
COMITIORVM GENERALIVM
à S. Spiritu in die Pentecost.
cum Apost. celebratorũ.

*Auctore P. STANISLAO ~~ZAKRZEWSKI~~, Canonico
Reg. ordinario Prædicatore, ad S. Geor. Wars.*

Cum licentia Superiorum.



CRACOVIAE,
Ex Officina Typographica Mattiæ Andreouici.
Anno Domini, 1618.

IN STEMMA.



A Trox sydereo dæmon detrusus Olympo
Cum populo Christi, prælia dura gerit.
Mundus adest laqueosq; struit, nec cæca voluptas
Desinit infausa mittere tela manu.
Nunc age sperne minas, vanumq; repelle timorem,
Hastis ternum hostem pellito triplicibus.

Fr. Stephanus Smolinski.

405 987

Illustriss. & Reuerendis. Dño,

DOMINO GEORGIO
ZAMOYSKI,

Episcopo Chelmeñ. Abbatiae
Ceruene. Administratori perpetuo, Do-
mino colendis. & Patri benigniss. &c.

P. STANISLAUS ZAKRZEWSKI, Canonicus Reg.
Ordinarius Prædicator ad S. Georg. Warf.

Salutem in Domino.



*Ribus potissimum inductus rationibus
hanc meam Concionem Ill^m Celsitu-
dini V^{re} offerendam in animo decreui
Ill^m & R^m Domine. Quarum pri-
ma est, dignitas splendorque eximius*

*Familiae nobilissimæ Zamosciadum, cuius fama longè
lateq. per omnes mundi partes volitat per ora virorum.
Conducit enim vt plurimum in lucem proferenti labores
suos claritudo & dignitas eius, sub cuius nomine & pa-
trocinio liber aspicit lucem. tum quia occasio librum vi-
tius notandi, & inuidia detractiōneque persequendi tolli-
tur, cum quisque sibi metuendum præsumat, illud theo-
nino prosequi dente, quod propugnaculo nominis claris-*

simi munitum, splendoreque alicuius celeberrimæ fa-
milie insignitum in manus hominum exhibetur, tum
quia vir nobilitate generis clarissimus sua dexteritate
ingenij, laborem illum condecorare & promouere facili
negotio potest. Familia autem Zamosciadum quid no-
bilioꝝ & clarioꝝ & insigniusue? Hæc est Avis ex auibus,
vel potius Cymbalum mundi & ut olim locuti sunt ve-
teres Jouis Germen, pietate, doctrina, fortitudine, om-
nique virtutum genere clarissima propago, ex qua sicut
è Troiano equo processere viri bello togaque potentes.
Quorum omnium decus & ornamentum Regni firmissi-
mum propugnaculum Joannes Zamoscius Cancellarius
Magnus & Præfectus Exercituum fuit, terror hosti-
um, Gloria, & decus Polonorum, splendor Christianorum,
vir omniscientiarum facultate, nemini secundus cu-
ius memoria sit in benedictionibus. Reliquit nobis Uni-
cum Filium, sapientia instructissimum sobrietate & gra-
uitate celeberrimum, fortitudine in hostes promptissi-
mum, multis Regibus & Principibus ob singulares ani-
mi sui dotes gratissimum & acceptissimum, quem non
ambitio sed virtus in sede Palatinatus Podolien. collo-
cauit. Felix viuat Thomas Zamoscius. Sed & tu Ill^{me}
Domine ex hac Familia trahens originem, eam quoque
splendore dignitatis Episcopalis condecorasti, addens
splendori lucem auro pretiosum lapidem, gloriæ claritu-
dinem. Altera ratio est beneficia singularia, quibus Ma-
trem nostram (Monasterium Ceruenen. intelligo) affe-
cisti

cisti, nam cum non opus esset nostræ dignas persolvere
gnates. tamen ad manifestationem gratitudinis nostræ
hoc exiguum munus ut olim quidam Persa Artaxerxi
Regi aquæ poculum nomine omnium Canonicorum Re-
gularium offero. Fecisti enim nobis magna & mirabilia.
Quid ita? Templum nempe Ceruenei. desolatum, vetu-
state corruptum, ruinæ magna ex parte subiectum.
Illustris: Domine sumptibus & impensis propriis magna
cum omnium admiratione & gloria nominis tui repa-
sti, mirandum in modum sculptum generis varij conde-
corare iussisti, contra vim pluuiariam tectum eius com-
munisti. Altare maius auro & pingendi arte pulcheri-
mum, opus certè rarum in templo collocasti. Aliud in
Capella (quæ stellis inauratis alijsq; insignibus auro lu-
centibus hinc inde exornata magna cum delectatione a-
nimi conspicitur) non minori sumptu ædificasti. Orga-
na corruptissima de integro renouasti, multaq; alia in bo-
norem Dei & nostram omnium communem letitiam,
tuam verò æternam gloriam, digna Familia Zamosci-
adam fecisti, certam nobis spem relinquens se multo ma-
iora & præstantiora relicturum. Huc ego prouocatus be-
neficiis ad manifestandum grati animi argumentum,
hanc oratiunculam supplex offero. Tertia ratio est. Dotus
animi tui singulares, si quidem liber in lucem edendus
si fuerit oblatus alicui viro doctrina excellenti prædi-
to, magnâ inde baurit sui commendationem, cum quisq;
existimet opus à docto viro receptum habere aliquid

in se suauitatis & dulcedinis. Dotes igitur animi tuæ
quis dignè enumerebit. Tacitus prætereo Illustr. D.V.
in Deum amorem quem in frequentissima sacrosanctæ
Missæ celebratione manifestus. Omitto liberalitatē in
pauperis. Norunt Ordines mendicantium quam larga
per te tribuatur illis eleemosyna, ipsi laudent & prædi-
cent. Admiror tantummodo tuam sapientiam, quam
in exteris nationibus magno studio & labore acquisi-
sti. Admiror te in Senatu prudentissimum & doctissi-
mum. In Ecclesia religiosissimum, in domo liberalissi-
mum, ubiq; grauissimum & modestissimum. Admiror in
te nobilitatem sine macula, virtutem sine vitio, bonita-
tem sine malitia: Est igitur nobis Dominus Abbas no-
bilitate generis clarissimus, virtutum generi celeberr-
mus, dotibus animi præstantissimus. Tanto igitur &
tam clarissimo Præfuli hoc munus exiguum offero, spe-
rans in Domino Deo sub nomine tanti Domini magnā
ubiq; locorum habiturum auctoritatis prærogatiuam.
Vive felix & crescas in millia millium.

Pr. Stanislaus ~~Dele...~~

CONSTITVTIONES

COMITIORVM GENERALIVM

à S. Spiritu in Die Pentecosten cum
Apostolis celebratorum.

*Erant omnes pariter in eodem loco. & factus est repente
de cælo sonus tanquam aduenientis Spiritus vehe-
mentis, & repleuit totam domum vbi erant sedentes.*

Act: 2.



Odiernum S. Spiritus in Apostolos de-
scensum esse Comitia Generalia, neminem
reperiri posse existimo qui negare velit.
Etenim ad comitia vti experimentis quo-
tidianis cognitum habemus, omni ex par-
te magna hominum multitudo confluit.
Idem verò accidisse in hodierno S. Spiritus
aduentu attendite Act. 2. *Facta autem hac voce conuocata mul-
tudo & mente confusa est, ergo &c.* Adhæc in Comitibus adest Rex,
qui Regni teneat gubernacula, adsunt & Senatores qui cum
Rege de bono publico disceptant. Rector & gubernator Ec-
clesiæ, quis alius nisi Spiritus sanctus? Hinc rectè vocatur Cor
Ecclesiæ, quoniam vt docet magnus Pater Isidorus in Ethy-
mologiis, Cor latinè dicitur à cura, nam inter humanæ vitæ
instrumenta, & corporis membra sollicitudine præstat, om-
nibus & singulis nostri corporis sensibus consulens, quod
Spiritui sancto cōuenire nemo est qui ambigat. Mystici enim
huius corporis quod est Ecclesia, nullum est quantumuis mi-
nimum membrum, cuius ille curam (vt decet bonum Re-
gem in Republica) non gerat. & proprio calore non foueat,
omnem-

omnemq; curam circa promouendum Ecclesiæ bonum non adhibeat. Psal. 9. *Nec est qui se abscondat à calore eius.* Principes verò Ecclesiæ seu Senatores sunt Apostoli dicente Christo Domino. Matth. 5. *Vos estis sal terræ, vos estis lumen mundi,* ac si diceret, vos estis præcipua capita Gentium omnium, Principesque huius mundi. Erant ergo pariter Senatores cum Rege in eodem loco, Comitia ergo esse illam congregationem sit necesse. Præterea ad comitia ex variis Gentibus aduolant Legati in negotijs Regum suorum. Hos quoque fuisse congregatos pro aduentu S. Spiritus, ergo comitia esse illum aduentum in promptu est. Acto. 2. *Parthi, & Medi, & Ælamitæ, & qui habitant Mesopotamiam, Iudæam, Cappadociam, Pontum, & Asiam, Phrygiam, & Pamphiliam, Egyptum & partes Lybiæ, quæ est circa Cyrenen, & aduenæ Romani. Iudæi quoque & Proselyti. Cretes, & Arabes, audiimus eos loquentes nostris linguis magnalia Dei.* O celeberrima comitia, ad quæ tam copiosa legatorum multitudo, ex omni mundi angulo conuenerat. Ad extremum In comitiis, iura, variæque Cōstitutiones decernuntur. Sed & in hoc aduentu sancto sunt quædam generi humano utilissimæ Cōstitutiones sancitæ. Attendite.

Aue Maria.

Congregatis ad Comitium cum Rege Senatoribus, fit Propositio seu Oratio de rebus in illo Conuentu tractandis, siue ab ipso Rege, siue etiam ab eius Cancellario, qua absoluta, sententiisque omnium auditis decernuntur quæq; Reipublicæ utilissima. Qualis verò S. Spiritus Propositio fuerit, quam vel per se inspiratione interna, vel per illas linguas igneas, (quomodo enim nihil locutus creditur qui in ardentibus linguis descendisse perhibetur) ad corda Apostolorum pertulit, quas uè sanctiones decreuit facile intelligere poteritis, cum Rubum ardentem videritis, verbaq; in illo ad Moysen prolata audieritis, sunt verba sacre Scripturæ. *Apparuit Moysi*

Moyſi Dominus in flamma ignis de medio rubi, & videbat quod rubus arderet, & non combureretur, &c. Simili modo Spiritus ſanctus Apparuit Apoſtoliſ. Act. 2. Et apparuerunt illiſ diſſertita lingua, tanquã igniſ ſeditq; ſuper ſinguloſ eorũ. Verba ad Moyſen à Domino in illa flamma exiſtente ſunt hæc. Ego ſum Deus Patris tui, Deus Abraham, &c. Vidi afflictionem populi mei in Ægypto, & clamorem eiſ audiui propter duritiã eorum qui præſunt operibꝯ, & ſciens dolorem eiſ deſcendi vt liberem eum de manibꝯ Ægyptiorũ, & educam de terra illa in terram bonã & ſpatioſam, in terram quã fluit lacte & melle. Non diſpari ratione S. Spiritus locutus eſt ad corda Apoſtolorum dicens. Ego ſum promiſſio Pat. iſ, quã audiſtiſ per oſ Chriſti, quia Ioannes quidem baptizauit aqua, voſ autem baptizabimini Spiritu ſancto. Ego ſum de quo Chriſtus dixit. Ioan. 16. Expedit vobiſ vt ego vadam, ſi enim non abiero paraclitiſ non veniet ad voſ, ſi autem abiero mittam eum ad voſ, &c. Cum autem venerit ille Spiritus veritatiſ docebit voſ omnem veritatem, &c. Clamor veſter peruenit ad me, quippe Omnes eratiſ perſeueranteſ in Oratione cum Maria matre Ieſu & Fratribꝯ eiſ. Vidique afflictionem veſtram, nam foreſ veſtre ſunt clauſe ubi eſtiſ congregati propter motum iudeorum. ~~veni ergo vt liberem voſ, ceteroſque omneſ, voſ quidem ab hac trepidatione alioſ verò è ſeruitute Ægyptiaca, quã premuntur à malis dæmonibꝯ.~~ veni ergo vt liberem voſ, ceteroſque omneſ, voſ quidem ab hac trepidatione alioſ verò è ſeruitute Ægyptiaca, quã premuntur à malis dæmonibꝯ.

Propoſitio
S. Spirituſ.
Acto. 2.

Dixit Dominuſ ad Moyſen.

Sed veni & mittam te ad Pharaonem vt educaſ populum meum filioſ Iſrael de Ægypto Non diuerſuſ ſermo S. Spirituſ ad Apoſtoloſ erat, Cr. do uſum fuiſſe verbis Chriſti. Mat. h. 10. Ecce ego mitto voſ ſicut oves in medio luporum, eſtote ergo prudenteſ ſicut ſerpenteſ, & ſimpliceſ ſicut columbæ. & Marc ult. Eunteſ in mundum vniuerſum prædicate Euangeliũ omni creaturæ dicenteſ: Quia appropinquant Regnum cælorum.

Matth. 1.

Dixit Moyses ad Dominum.

Quis sum ego ut vadam ad Pharaonem, & educam filios Israel de Aegypto. Obsecro Domine non sum eloquens, mitte quem missurus es, nam impeditioris & tardioris linguæ ego sum. Stupendam in hoc sancto viro humilitatem, quam abfuisse à cordibus Apostolorum (qui toties audiebant magistrum suum Christum Dominum dicentem: Discite à me quia mitis sum, & humilis corde) credibile non est. Sed corde humili alloquebantur Spiritum S. Quis sumus nos? aut quod genus nostrum? Nos homines despecti tanquam morti destinati. Nos stulti, at illi ad quos mittimur sunt prudentes, nos infirmi illi fortes, illi nobiles, nos ignobiles.

1. Cor. 4.

Ait Dominus ad Moysen.

Ego ero tecum. Quis fecit os hominis? aut quis fabricatus est mutum & surdum? videntem & cæcum? nonne ego? Perge igitur & ego ero in ore tuo, doceboq; quid loquaris.

S. Spiritus dicebat Apostolis.

Tradent vos in Conciliis & in Synagogis suis flagellabunt vos, & ad Præsides & ad Reges ducemini propter me in testimoniū illis & gentibus. Cū autem tradent vos nolite cogitare, quomodo aut quid loquamini: dabitur enim vobis in illa hora quid loquamini: nō enim vos estis qui loquimini: sed Spiritus Patris vestri qui loquitur in vobis.

Matth. 10.

&

Marc. 13.

Et cum duxerint vos tradentes, nolite præcogitare quid loquamini, id quod datum vobis fuerit in illa hora. id loquimini, non enim vos estis loquentes, sed Spiritus sanctus.

&

Luc. 12.

Cū autem inducent vos in Synagogas, & ad Magistratus & potestates

testates, nolite solliciti esse qualiter aut quid respondeatis, aut quid dicatis. Spiritus enim Sanctus docebit vos in ipsa hora quid oporteat vos dicere.

Respondens Moyſes ait.

Non credent mihi neq; audient vocem meam & ecce^{ciubente}
Domino ex virga fit serpens, & iterum ex serpente^{irga}*. Manus quoq; in sinum missa lepra deturpata est, retracta iterum*
in sinum facta est similis carni reliquæ: Quo facto Dominus
Moyſi contulit miraculorum patratorum gratiam, vt per
eam in omnibus fides habeatur Moyſi, ipſo Domino dicente
Sinon crediderint, inquit, tibi neque audierint sermonem signi prio-
ris credent verbo signi sequenti.

Exod.

S. Spiritus dicebat verba Christi, Matth. 10.
ad Apostolos.

Euntes predicate, Infirmos curate, mortuos suscite, leproſos
mundate, gratis accepistis, gratis date. Signa quoq; eos qui credide-
runt hæc sequentur In nomine meo demonia eijcient. Linguis loquen-
tur nouis, serpentes tollent, et si mortiferum quid biberint non eis no-
cebit, super agros manus imponent & bene habebunt. Quibus si-
gnis visis credent sermonibus vestris, & cuilibet vestrum di-
cetur Ioan. 3. Rabbi scimus quia à Deo venisti Magister, nemo e-
nim potest hæc signa facere quæ tu facis nisi fuerit Deus cum eo.

Marc. vii:

His sententiis absolutis ventum est ad decernendas consti-
tutiones, quarum

Prima hæc est.

Pharao Infernalis, Princeps huius mundi, in seruitute peccati, te-
nens ferè vniuersum populum, omnino foras projiciatur, & in mari
rubro sanguinis Christi submergatur.

Dixit Deus ad Moyſen.

Sed ego scio quòd non dimittet vos Rex Egypti, vt eati nisi per
manum validam.

S. Spiritus ait Apostolis.

Et quoniam teterrimus demon omnem mouebit lapidem, ut populum vniuersum in sua seruitute retineat, persecutiones excitabit, in vos consurget, multorum sanguinem effundet, multos per suos ministros trucidabit, omni vi doctrinæ vestræ repugnabit. Idcirco superandus vobis est in manu valida, ad quod feliciter peragendum concedendum vobis est cæleste tributum, ut & concedo, nempe donum fortitudinis, dixit Spiritus S. ad quemlibet Apostolorum. Ezech. 2. *Mitto te ad gentes Apostatrices quæ recesserunt à me, &c. Ne timeas eos neque sermones eorum metuas, quoniam increduli & subuersores sunt tecum, & cum scorpionibus habitas, verba eorum ne timeas, & vultus eorum ne formides. Ecce dedi faciem tuam valentior em frontibus eorum, & frontem tuam durior em frontibus eorum, ut adamantem & ut silicem dedi faciem tuam, ne timeas eos, neque metuas à facie eorum. O admirabile tributum. Hoc accepto S. Petrus Apostolus: Christum quem prius negarat fortiter prædicat. Nihil fuit Petro timidius, qui ad vnius ancillæ vocem expauit. Sed postquam dono fortitudinis per Spiritum S. corroboratus est. Petro quid fortius. Iubetur à Senatu Ierosolimitano tacere, prohibetur Christum crucifixum prædicare, insuper ad verba adduntur minæ & verbera, at ille Christi Athleta. attendite quid dicat: *Si iustum est in conspectu Dei vos potius audire quam Deum iudicate.* Et qui relicto Iesu in horto fugerunt, accepto Spiritu S. *Ibant Apostoli gaudentes à conspectu Concilij quia digni habiti sunt contumeliam pati pro nomine Iesu.* Ventus circius armatum hominem, plaustrum oneratum procellit, equitantem è sella abripit, impedit omnem plantam ne crescat, hominem cataphractum perfacile prostermit, nulloque negotio perinde ac rem leuem. In tartarorum etiam regionibus, ventos æstate media adeo inualefcere, ut iis flantibus equitare sit impossibile, equitantes enim abripiunt & prosterunt. De Circij viribus adhuc additur,*

Acto. 4.

Test. Aut. Gel.
lib. 2. c. 22.

Olaus 17. c. 5.

additur, quod murorum atque Ecclesiarum testa, etiam plumbea, ingentes quoque trabes extracta longissimè transferat, quin & ipsa molendina cum molari ipso lapide, totoq; tecto inclusis etiam hominibus & ipsis illæis procul asporter, oppida destruens, & quod videtur incredibile, in mari sub nauibus aquam, quadam ratione conturbat atque ab aquis ipsis nauem extrahit, & in sublime attolit, & deinde remittit. Magna vis huius venti. Sed maior Spiritus sancti. Quæro ergo quis illos crudelissimos Cæsares, errorum tenebris inuolutos, & contra Christianam fidem extirpandam expeditos superauit? Spiritus sanctus diffusa in Apostolorum corda cælesti fortitudine. Quis illam vim Ethnicorum aduersus Christianam doctrinam vehementer militantem depressit? S. Spiritus fortitudo: *Repente ventus rehemens irruit, & concussit quatuor angulos domus Idolorum quæ corruës oppressit multos Tyrannos.* Hoc dono olim illustrata fuit B. Cæcilia virgo Romana, quæ cum Valeniano & iuueni, & cupido desponsata esset inuita, & iam thalamum cum sponso ingressa, de fide Christi & castitate disserens, non modo Valerianum à vi inferenda cohibuit, dum solidis argumentis castitatem matrimonio sanctiorem esse ostendit, verum etiam Liburnium sponsi fratrem ad Christianam religionem amplectendam compulit. O admirandam etiam in virginibus Sancti Spiritus cōtra debellandum malum dæmonem, fortitudinem.

Altera Constitutio hæc est.

Homines ad imaginem & similitudinem Dei creati, è seruitute diabolica, in libertatem filiorum euocentur.

Dixit Dominus ad Moysen.

Sed veni & mittam te, vt educaſ populum meum, filios Iſrael de Agypto.

Spiritus S. dicebat ad Apostolos. Luc. 4.

Spiritus Domini super vos, propter quod misit vos euangelizare pauperibus, sanare contritos corde, predicare captiuis remissionem, & cæcis visum, dimittere contractos in remissionem, predicare annum Domini acceptum, & diem retributionis. Mitto inquam vos vt annuncietis quod viderunt oculi vestri salutare Dei, lumen ad reuelationem gentium, & gloriam plebi sue Israel, quod vt feliciter in Domino præstare possitis, tribuo vobis donum sapientiæ & scientiæ, vt omnium cognitis linguis, omnes ad vnum verum Deum trahatis. Sic enim vobis promiserat Christus Dominus dicens: Mittam vobis paraclitum qui cùm venerit docebit vos omnia, & docebit vos omnem veritatem. Accidit id hodierna die Apostolis, quod olim accidisse Ezechieli Prophetæ legimus, in hæc verba de seipso dicenti. cap. 2. Et vidi & ecce manus missa ad me, in qua erat inuolutus liber, & expandit illum coram me, qui erat scriptus intus & foris. Et dixit ad me: Fili hominis quodcunque inueneris comede, comede volumine istud. Et aperui os meum, & cibauit me volumine isto, & dixit ad me: Fili hominis venter tuus comedet, & viscera tua complebuntur volumine isto, quod ego do tibi. Et comedi illud, & factum est in ore meo sicut mel dulce. Et dixit ad me: Fili hominis vade ad domum Israel, & loqueris verba mea ad eos. Hoc modo die hodierna dedit Spiritus S. Apostolis librum intus & foris scriptum, id est omnium rerum cognitionem, quæ sensu exteriori, & intellectu interiori percipi possunt, dedit inquam illis donum sapientiæ & scientiæ, & aperuit os eorum in medio populi, fecitque infantum disertas esse linguas. Olim Hieremias ad Dominum dixit: A a a. Domine Deus ecce nescio loqui, quia puer ego sum. Et dixit Dominus ad me: Noli dicere quia puer ego sum. Et dixit Dominus ad me: Ne timeas a facie eorum, quia ego tecum sum vt eruiam te dicit Dominus. Et misit Dominus manum suam, & tetigit os meum, & dixit Dominus ad me: Ecce dedi verba mea

*ba mea in ore tuo, ecce constitui te super gentes & super regna, ut
euellis, & destruas, & disperdas, & dissipes, adifices, & plantes.
Ego quippe dedi te hodie in ciuitatem munitam. En quomodo
Dominus soleat verba sua ponere in ore seruorum suorum.
Certè mirabilis Dominus, qui sine vlllo negotio etiam ex stul-
tissimis sapientissimos efficere potest doctores. Hoc sapien-
tiæ dono exornatus fuit B. Antonius Magnus de quo sic Diuus
Athanasius. Erat inquit valde sapiens, & hoc in se mirabile
habebat, quia cum literas non didicisset, ingeniosissimus &
prudenterissimus, immobilis & mansuetus erat. Aliquando e-
nim Philosophi duo Gentiles venerunt ad eum, putantes
Antonium se posse decipere, erat vero in superiori monte,
quos cum vidisset Paganos esse intellexit ex vultu, & pro-
cedens ad eos per interpretem ita cepit loqui. *Quare ut tam
longè ad stultum hominem venirent, sapientes se vexare voluerunt?
Illis dicentibus non esse illum stultum, sed & nimium sapientem, vi-
gilanter respondit. Si ad stultum venistis, superfluus est labor vester,
si autem putatis me sapientem esse, & sapientiam habere, bonum est:
imitamini quod probatis, quia bona conuenit imitari. Si ego ad vos
venissem vos imitarer. sed quia vos ad me quasi ad sapientem veni-
stis, estote sicut ego sum Christiani.* Accesserunt Philosophi, v-
trumque mirantes & accumen ingenij & dæmonum expul-
siones. Quippe elegit Deus contempla mundi, ut confun-
dat sublimia & per piscatorum simplicitatem voluit confun-
dere ingeniorum subtilium dexteritatem. Sed nos confera-
mus ad videndam tertiam Constitutionem. *Qua talis est Haru-
spices, Magi, malefici, Inanes & iactabundi Philosophi confu-
tentur, eorumque falsitas, & doctrina Christiana veritas ostendatur.**

Exod: 7.

*Tulitq; Aaron virgam coram Pharaone & seruis eius, quæ versa
est in colubrum: Vocauit autem Pharaon sapientes, & maleficos, &
fecerunt etiam ipsi per incantationes Ægyptiacas, & arcana quæ-
dam si-*

dam similiter. Proieceruntque singuli virgas suas quæ versæ sunt in Dracones, sed deuorauit virga Aaron virgas eorum. Maxima impedimenta in sua prædicatione habituri erant Apostoli, à Magis, vt in Simone mago repugnanti, in omnibus, Diuo Petro experimentis cognitum est, & à Philosophis, qui suis ænigmatibus & fallaciis eludere volebant vera dogmata Christiana, & à maleficis qui ab Apostolis patrata miracula calumniabantur. Sed virtus Apostolorum deuorauit virtutem eorum, & ad hoc feliciter præstandum, dedit illis Spiritus S. donum intellectus & consilij dicens: Estote prudentes sicut serpentes. Aperuitque illis sensum, vt intelligerent scripturas, quibus exploderet vanas inimicorum adinventiones. Quarta constitutio hæc est, vniuersus populus ad cultum veri Dei, eiꝯ soli sacrificia offerenda omnino reducatur.

Dixit Dominus ad Moysen.

Ingredieris ad Regem Egypti & dices ad eum. Dominus Deus Hebræorum vocauit nos, ibimus viam trium dierum in solitudinem, vt immolemus Domino Deo nostro.

Dicebat S. Spiritus Apostolis.

Ite in vniuersum orbem, & reducite perditas oues ad vnum ouile Christi, & vt possitis perfecte instruere homines, ad debitum Deo reddendum cultum. Datur vobis à me donum timoris & pietatis, iuxta verba Dauidis, Seruite Domino in timore & exultate ei cum tremore.

Dixit Dominus ad Moysen. Exo. 19.

Vade ad populum, & sanctifica illos hodie, & cras lauentsq; vestimenta sua. Et sint parati in diem tertium, &c.

S. Spiritus Apostolis.

Ite baptizantes eos & docentes omnia quæ præcepta sunt vobis, vt cum timore operentur salutem suam.

Conclu-

Conclusio Comitiorum.

Dixit Dominus ad Moyſen:

*Descendi vt liberem eum de manibus Ægyptiorum,
& educam de terra illa in terram bonam & spatiosam,
qua fluit lacte & melle.*

S. Spiritus ad Apostolos. Marc. ult.

Qui crediderit & baptisatus fuerit saluus erit.

Quod præstare nobis dignetur Trinus &
vnus Deus, Amen.



Conclatio Communionis.

Dicit Dominus ad Moysen.

Et ait Dominus ad Moysen. Et ait Dominus ad Moysen. Et ait Dominus ad Moysen.

Et ait Dominus ad Moysen. Et ait Dominus ad Moysen.

Et ait Dominus ad Moysen. Et ait Dominus ad Moysen.

Quod prestat nobis dignetur Trinus &
vna Deus, Amen.

FF. M. 13.

Biblioteka Jagiellońska



stdr0023628

